


مکتبہ اعلیٰ اسلامیہ

ادبی و سیاسی رسالہ اسبوعیہ در

۲۰ نجی سنہ



۲۶ جادی الاولیٰ ۱۳۲۹

پنجشنبہ

جزء عدد : ۹۷

بر یوم مسعودده منحوس برمنظره

اون درت نیسانه مصادف بنجشنبه کونی ساعتک سکنزله طقوزی آراسنده
باب عالیدن آشاغی طوغری اینانلر اوزاقدن اوزاغه ساممینی ، پکده تلطیف
ایده میان ، بلکه تدهیش ایدن معدنی برصدا ایشیدیورلردی :

چانغر !..... چانغر !.....

بوسس ، هرایکی ثانیه لك مطرد بر فاصله ایله توالی ایتمکده و آن بآن یاقلاشمقده
ایدی . صدا یالکز مطرد دکل ، یک آهنگ ایدی . نه فاصله سی تخلف ایدیور ،
نده آهنگی تبدل ایدیوردی . هپ بر صورتده : چانغر !..... چانغر !.....

جادمک قوسنه تقرب ایدیلنجه ، صدایی چیقاران قافله ظاهر اولدی . اوکده
تفنگلر بوینلرینه مائلا معلق ، مانی لباسلی ، سیاه قالپاقلی اوچ نفر ژاندارمه ،
ایکی جهتمده بر چوق اذقه پیمايان بی سرویا !.. بر آرمق قافله ایرکلدی ، چونکه
یوقاریدن آشاغی به ایتمکده اولان ایکی فایطونک مقابله بولندی . عربه جیلر ،
بارگیرله صوله تبدیل استقامت ایتدیرنجیه به قدر حاصل اولان توقف ، صدای
معهودک بر آن ایچون اطرادینی بوزمش اولدی . متعاقباًینه باشلادی . بودفعه
صدانک محصلی ظاهر اولدی . بر مجرم ! (فقط بز ظاهر حاله کوره سویلیورز .
بلکه ده بر بیکناه !) باشنی سسیاه بر بزله صاغ شقاعی اوزرینه مائلا صاره رق
ستر ایتمش ؛ صرته قیصه بر صالته ، باجاقلرینه بر (زیبکه) کیمش . بو یافته نظرأ
لازستان اها لیسندن بری !....

بلند قامتی ، تأثیر هوا ایله اسمر لشمش لونی ، صاف ناصیه سی ، بی باک و متین
سیما سی ، چشمان سیاهنده کی نگاه توکل و تسلیمیتی ، والحاصل باطله علامات ظاهره
و روحیه سی بو آدمه بشقه بر حالت ، نقرتدن زیاده لایق حمایت بر مزیت و بر مشدی .
او متصل آخر ، وقور ، متبحرانه خطوه لرله ایلر ولیور ، دارالنکاله ،
حبسه خانه عمومی یه طوغری قطع مسافه ایدیوردی . آرقه دن ده اوکده کیلر کی
۳ نفر جاندارمه تعقیب ایدیوردی .

زنجیر بر (بوغا) بیلانی کی گردشندن ، میانندن ، تا طوپوقلرینه قدر وجودینی
صارم مشدی . تضیق ایتیموردی . فقط ثقلی آلتنده ازیوردی . لا اقل قرق اللی
(بقله) دن متشکل اولان بوسلسله ، نکالک هر پارچه سی یارم قیه تخمین اولنسه .
بحر مک جزای مادیسی ، جزای معنویسنه غالب کلدیکی تعین ایدر .
ایشته جانفرتی ، خطواتک بو زنجیری تحریکندن حصوله کایوردی .

زواللی مجرم ! ... شبهه یوق ! بو آدم جمعیت بشریه نک بر فرد مخطیسی
اولسده ینه زواللی در . بلکه بو خطاسندن طولانی ایکی قات زواللی در .

طوتهلم که بو بر جانی ، بر جانی ، مدهش و بی امان ایدی . فرض ایدم که
ساطور جلاده کردنی تسلیم ایدیله جک قدر وحشی ایدی . و بوصوله اعدامی
توازن آسایش جمعیت ایچون بر لازمه عدل ایدی . حبسه کوتوریلوردی . چونکه
حبسه کسب استحقاق ایتمشدی : اعدام اولنه جقدی ، زیرا اعدام ، جزای مایلیتی
ایدی . او انسانلقدن جیقمش ، انسانیه عصیان ایتمشدی . فقط انسانیت آنک فعل
مذمومه بویله می مقابله ایتلی ایدی ؟ گردشندن طوپوقلرینه قدر صاریلان بوسلسله
نکاله نهدن مستحق گورلمشدی . بونی قانونی امر ایدیوردی ؟ خیر ! آخره عبرت
ایچونمیدی ! بیک کره خیر ! آنک بو حالنی گورنلر ، شکل مجازاتدن عبرتین اولیورلردی .
بالعکس آنی بر مخلوق فوق التصور ، بر قهرمان بیمدانی ، حکومتی ، آنی عادیاً محافظه دن
حاجز عد ایدیورلردی . آکا آجیمقدن زیاده ، آنی تقدیر ایدیورلر . آندن نقرت
ایتمکدن زیاده آکا محبت اظهار ایدیورلردی . چونکه صورت سوق خوارقدن ایدی .

ایک بیلگنی یکدیگرینہ ربط و بند ایدہ جک بر کلچہ ، زمانزده اٹ زور آور
قهر مانلری زبون و منقاد ایدہ جک بر قوتی حازدر . آنی طاقق و صکره بجرمینہ
مخصوص صریبہ اراکاب ایلہ محبسہ سوق ایتک ممکن دگلی ایدی ؟

بومنظرہ او قدر دهشتناک ایدی کہ ہر نظرده انسانیت آغلیور ، مظلومیت
ایکلیور . عدل و مرحمت فریاد ایلور . مشروطیت نفرت ایدیوردی ، استبداد
ایسہ استار ایتدیکی سحاب مظالم ماوراسندن خندہ زن استخفاف اولیوردی .

اوگون ! معلومدر کہ یوم جلوسہ مصادف ایدی ؛ آنک تجیل شانی ، صدقہ
فروشکوہی ایچون مدت جزائیہ سنک ثلاثی اکال ایدن ارباب جرائمک بقیہ جزاسنہ
قلم غفو ایلہ رقم تنزیل چکیلیوردی . حال بوکہ او یوم مسعودہ ، بومنظرہ منحوسہ
عدل ایلہ عدوان قدر بیانیجی قالیوردی .

نہ غریب تضاد !

ابوالضیا

